



## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de  
Virtutibus ac Donis, de Vitiis ac Peccatis, & de Legibus, nec-non  
Dissertationem Theologicam de Probabilitate

**Gonet, Jean-Baptiste**

**Coloniæ Agrippinæ, 1671**

§. I. Præmittuntur quę ferè apud omnes sunt certa

---

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DISPVTATIO TERTIA.

372

cum convenient in una & eadem ratione formaliter A  
prohibendi, nempe in codem motivo,

33 Instabis : Hujusmodi leges habent motivas,  
seu fines specie diversos; nam finis legis divinae  
est rectificare voluntatem creatam in ordine ad  
beatitudinem supernaturalem; finis legis naturalis,  
est ipsa naturalis hominis rectitudo in or-  
dine ad beatitudinem naturalem; finis legis huma-  
nae est rectificare homines politice, hoc est  
in ordine ad pacem & quietem reipublicae, vel  
communitatis: Ergo sunt diversa speciei formaliter,  
& ex parte motivi, & non solum materialiter,  
& ex parte legislatoris.

34 Respondeo fines illos esse tantum extrinsecos,  
potiusque dicendos esse fines legislatoris, quam  
ipsarum legum: ut autem leges, se præcepta  
distinguantur formaliter, & ex parte rei prohibi-  
bita, non sufficit diversitas motivi extrinseci &  
remoti, sed requiritur diversum motivum pro-  
ximum & intrinsecum, ut supra annotavimus:  
prohibito vero furti v. g. sive stat lege divina,  
sive naturali, sive humana, semper habet idem  
motivum intrinsecum, quod est conversatio boni  
proximi, aut vitatio damni illius.

35 Ad confirmationem negandum est Antecedens: nam quando leges different solum ex parte principij, non inducunt plures nec diversas obligationes, sed unam tantum & eandem, quam prima lex de novo imponit, & alia confirmant.

36 Objicies quinto: Sola distinctio præceptorum ex parte principij sufficit ad distinguendas species inobedientiae: Ergo & ad diversificanda alia peccata. Consequentia videtur legitima ex paritate rationis, Antecedens probatur. Inobedientia contra legem divinam est diversa speciei ab inobedientia contra legem humanam; sicut alia secundum speciem est obedientia quam obedimus Deo, & quam obedientes sumus hominibus: Ergo sola distinctio præceptorum ex parte principij sufficit ad distinguendas species inobedientiae.

37 Respondeo dato, & non concessio Antecedente, de quo videri potest Cajetanus 2.2. quæst. 104. art. 2. negando consequentiam, & paritatem. Ratio discriminis est, quia alia peccata respiciunt violationem præcepti ex parte aversionis, & per modum termini a quo, ut supra dictum est; inobedientia vero respicit præceptum a violandum, non solum per modum termini a quo, sed magis per modum termini ad quem, & per modum objecti circa quod versatur: sicut enim propria materia, & proprium objectum obedientiae est præceptum superioris ut observandum, sic propria materia, & proprium objectum inobedientiae est idem præceptum ut violandum; unde cum peccata non specificentur & distinguantur ex termino a quo, sed extermino ad quem, non mirum quod et si alia peccata non distinguantur ex sola diversitate præceptorum, sola tamen illorum distinctio sufficiat ad distinguendas species inobedientiae.

DISPVTATIO III.

De peccato commissionis & omissionis,

CVM celebris sit divisio peccati in peccatum commissionis & omissionis, & plures ac graves circa haec duo peccatorum genera difficultates occurrant, speciale de eis instituimus disputationem: in qua primò de peccato commissionis, deinde de peccato omissionis differemus.

ARTICVLVS PRIMVS.

Per quid peccatum commissionis constitutur for-  
maliter in ratione mali moralis?

Hæc controversia ita celebris est & antiqua, ut  
D. Clemens in præcognitionibus Apoliticis  
referat illam inter D. Petrum & Simonem Magum  
olim fuisse agitamat: nam in solemni illa dispu-  
tatione, Roma inter utrumque habita, Simon Ma-  
gus interrogavit D. Petrum, Quid sit peccatum?  
Estne natura aliqua positiva, an vero solum priva-  
tio naturæ? Quam interrogationem delpexit  
Apostolus dicens: Non præcepit nobis Dominus  
requirere naturam peccati, sed docere quomodo fu-  
giendum sit.

Porro haec quæstio, despecta ab Apostolo,  
Theologorum ingenia diu exercuit, & in variis  
coegerit abire sententias: quidam enim in solo pos-  
itivo, alij in solo privativo, alij in utroque simul  
rationem formalem peccati commissionis consi-  
dere assuerant: & adhuc inter illos est dubium, quid  
sit illud positivum, vel illa privatio, & an illa in re-  
cto, vel solum in obliquo & de connotato ejus  
naturam & quantumitatatem ingreditur? Pro resolu-  
tione, quædam breviter præmittenda sunt.

S. I.

Præmittuntur que ferè apud omnes sunt certa.

NOTANDVM primò, malum esse duplex: unum quod dicitur malum simpliciter quod opponitur bono transcendentali, omnique bonitatis & perfectionis carentiam importat; aliud quod vocatur malum secundum quid, seu respectu: & illud triples est, nempe na-  
turale, artificiale, & morale. Primum dicitur illud, quod privat subjectum aliquam perfectio-  
ne naturali & connaturaliter debita; v. g.  
morbis est malum naturale respectu animalis,  
& calor respectu aquæ, quia ille privat animal  
sanitate, iste aquam frigiditate, que connatu-  
raliter eis debitis sunt. Secundum est illud quod  
privat artefactum perfectione aliqua sibi debita  
juxta regulas artis; ut cum imago sua debita  
proprietate caret. Tertium vero appellatur il-  
lud, quod removet actionem creature ratio-  
nalis, rectitudine sibi debita, ut quando pri-  
vat eam, vel fine sibi debito, vel debitum circum-  
stantis, vel commensuratione ad legem & rectam  
rationem.

## DE PECCATO COMMISSIONIS ET OMISSIONIS.

373

Notandum secundò, seu potius supponendum ut certum, peccatum commissionis in ratione mali simpliciter per privationem constitui. Ratio est: quia, si diximus, malum simpliciter opponitur bono transcendentali: Sed nihil positivum potest constituere peccatum commissionis in ratione mali oppositi bono transcendentali: Ergo nec in ratione mali simpliciter, & consequenter in ratione talis per privationem constituitur. Minor probatur: Omne positivum est transcendentaliter ens, & consequenter bonum transcendentaliter; cum bonitas transcendentalis entitatem sequatur: Ergo nihil positivum opponitur bono transcendentali, & consequenter nequit constituere peccatum commissionis in ratione mali oppositi bono transcendentali.

Confirmatur: Malum simpliciter, ut tale, nullam explicat vel implicat rationem boni: Sed omne positivum in peccato commissionis repertum implicat aliquam rationem boni, non verò privatio: Ergo non potest constitui in ratione mali simpliciter per positivum, sed duntaxat per privationem. Minor probatur: Ens in quantum ens, seu ut dicens ordinem ad existentiam, est bonum & appetibile, ut docetur in Metaphysica: Sed omne positivum in peccato repertum implicat rationem entis ordinem ad existentiam, non verò privatio, que est mera entis carentia: Ergo omne positivum, in peccato commissionis repertum implicat aliquam rationem boni, non verò privatio.

Notandum tertio, in peccato commissionis plura reperiri, nempe substantiam actus, seu entitatem realem & physicam ipsius operationis peccati; conversionem ad objectum dissonum legi divine, & recte rationem, seu ordinem positivum ad objectum ut moraliter malum, objectivè; & plures respirationes, quae ex tali conversione, seu ordine positivo ad objectum dissonum & moraliter malum, in tali actu dimanant; nimurum privationem gratia, privationem conversions ad Deum ut ultimum finem, quæ aversio appellatur, & privationem rectitudinis, seu conformitatis cum lege & ratione,

Dices: privatio, ut à pura negatione distinguitur, est carentia formæ debite: Sed odio Dei v.g. non est debita conformitas cum legibus charitatis: Ergo carentia istius conformitatis non est in illò privatio, sed pura negatio. Minor probatur: Odium Dei ab intrinseco & essentia liter est disiforme legi charitatis: Ergo illi essentia liter repugnat cum tali lege conformitas: Sed forma nequit esse debita illi subjecto cui essentia liter repugnat: Ergo non debetur odio Dei conformitas cum legibus charitatis.

Suarez, Salas, & quidam alii Recentiores, hoc argumento convicti, fatentur carentiam commissurionis cum lege in actu peccaminoso esse puram negationem, & esse privationem solum respectu potentiarum, cui possibilis & debita est talis conformitas.

Sed hec doctrina in primis aperte repugnat D. Thomae supra qu. 18. art. 1. ubi sic ait: *Omnis actio in quantum habet aliquid esse, in quantum habet de bonitate: in quantum vero deficit ei aliquid de plenitudine essendi que DEBET VRACTIONI HUMANÆ, in quantum deficit à bonitate, & sic dicitur mala. Quibus verbis manifeste declarat debitum bonitatis, supra quod privativa carentia fundatur, non solum esse respectu potentiarum, sed etiam respectu actionis; sub-*

A indeque talem carentiam non solum respectu potentiarum, sed etiam respectu actionis peccaminoso, privationem esse. Unde in 2. ad Anibal. dist. 36. art. 1. ad 1. dicit: *Malum culpæ attenditur secundum quod ACTVS CREATVRÆ RATIONALIS formaliter aliquo bâno privatut.*

Deinde hæc responsio evidenti ratione confutari potest. Nam privatio, & forma cuius est privatio, idem respiciunt immediatum subiectum: At forma, cuius dicit privationem carentia bonitatis in peccato commissionis reperta, non respicit potentiam ut subiectum suum immediatum, sed actum ipsum: Ergo talis carentia, sub conceptu privationis, immediate respicit actum, & non nudam potentiam. Major constat, Minor probatur. Cetera illa non est carentia actus, sed rectitudinis actus, alias non distinguuntur à carentia omissionis, quia totaliter actum excludit, & in actus privatione consistit: At rectitudo actus non respicit potentiam, sed actum, ut subiectum immediatum: Ergo dicta forma, quæ privat ~~sunt~~ in peccato commissionis reperta, non in nuda potentia, sed in actu immediate subiectatur.

Hac ergo solutione prætermissa, communiter respondent nostri Thomista, quod sicut juxta Aristotelen & D. Thomam. 5. Metaph. lectione 20, carentia visus in talpa habet rationem privationis; quia licet ratione sua specificè differentia ei repugnet visus, non tamen ei repugnat, sed potius debetur secundum gradum communem & genericum animalis; vel etiam scit in actu fidei est privatio evidenter, non quia sit actus habere evidentiam, quatenus est talis in specie, sed secundum rationem communem actus intellectualis; ita pariter carentia conformitatis cum lege in actu odii Dei, & in quolibet alio peccato commissionis, habet rationem privationis; quia licet humilio di actus non sit capax rectitudinis & conformitatis cum lege, secundum suam specificam differentiam: illa tamen non repugnat, sed potius ei debetur, si consideretur secundum gradum communem actus humani.

Hæc solutio, licet subtilis & acuta, difficultate non caret, & falsum supponere videtur. Nam licet odio Dei v.g. secundum rationem communem actus humani non repugnet rectitudo charitatis, ei tamen debita non est: Ergo ex conceptu illo communis nequit carentia rectitudinis charitatis, in odio Dei reperta, rationem privationis habere. Consequens manifesta est: quia ad fundandam privationem non sufficit capacitas secundum repugnantia in subiecto, sed insuper debitum formæ requiritur; unde homo in puris naturalibus conditus, et si fuisset gratia capax, & illa carueret, non tamen fuisset ea privatus, quia gratia in illo statu ei debita non fuisset. Antecedens vero sic ostenditur: In differentiæ in quantum tali, nullum extreum sive indifferentia debetur determinare: At ratio actus humani in communi est indifferens ut contrahatur per rectitudinem charitatis, vel per malitiam & deformitatem odij Dei: Ergo non magis ei debetur rectitudo & bonitas charitatis, quam malitia & deformitas odij.

E pro solutione huius instantia distinguendum est duplex debitum, unum morale sive legale, & aliud physicum seu naturale. Debitum morale seu legale est quod provenit ex lege; ut v.g. ex lege iustitiae debetur unicuique jus suum, & ex lege temperantiae teretur quilibet temperante

Aaa iii

DISPVTATIO TERTIA:

374

comedere. Debitum physicum seu naturale est quod fundat qualibet natura per sua principia physica respectu illorum quae ab ipsa emanant; quo genere debiti cuilibet essentiae debentur naturales passiones. Unde etiam privatio est duplex; alia moralis, qua est carentia forma debita ex aliqua lege, ut dum quis non apponit actui quem exercet circumstantias quas lex jubet apponere; & alia physica, qua est carentia formae debita ex solis principiis physicis naturae, sicut esset in qualibet essentia carentia aliquius proprietatis. Hoc supposito, respondet quod licet odio Dei secundum rationem communem actus humani non sit debita rectitudine charitatis, debito physico aut naturali, est tamen ei debita debito morali, sive legali, orto ex lege obstante hominem, ut eo ipso quod erga Deum, ut est objectum charitatis veratur, rationem communem actus humani contrahat per rectitudinem charitatis, non vero per malitiam & deformitatem odii & aversionis a Deo.

**12.** Instabis tamen: Debitum morale oritur ex legi obligante, Sed odium Dei potest elicere potentia in instanti in quo non obligat preceptum charitatis: Ergo in tali casu non erit ei debita, debito morali sive legali, charitatis rectitudo; & consequenter ejus carentia non erit privatio moralis, sed mera negatio. Minor probatur. Preceptum negativum prohibens odium obligat semper & pro semper; preceptum vero affirmativum dilectionis, licet semper obliget, non tamen pro semper, ut patet ex differentia quam inter precepta affirmativa & negativa. Theologi constituant: Ergo potest elicere odium a potentia in instanti in quo non obligat preceptum charitatis.

**13.** Respondeo, preceptum ex quo debetur actus odii dei charitatis rectitudo, non esse preceptum absolutum diligendi, cui opponitur omissione peccaminosa dilectionis; hoc enim, ut argumentum convincit, non obligat pro semper; sed esse preceptum conditionatum operandi conformiter ad regulas charitatis, si homo erga Deum ut est objectum charitatis, operari velit; vel, ut alii dicunt, esse preceptum disjunctivum, obligans vel ad non operandum erga Deum, vel ad operandum conformiter ad regulas charitatis.

**14.** His praemissis: Quærimus an peccatum commissionis per privationem rectitudinis seu conformitatis cum ratione & lege, vel per ordinem positivum ad objectum ut moraliter malum, seu regulis morum difforme, an per utrumque simul in ratione mali moralis formaliter constituantur? Supponimus enim ex dictis contra Vazquez in tractatu de moralitate actuum humanorum, illud in relatione rationis, aut extrinseca denominatione non posse confundere; cum moralitas ut sic, ad quam peccatum se habet ut ratio specifica ad genericam, non sit pura denominatio extrinseca, aut respectus rationis, ut ibidem fuisse ostensum est.

§. II.

Resolutio difficultatis proprie*tatis*.

**D**ico primò: Peccatum commissionis per somnam privationem in ratione mali moralis formaliter non constituitur.

Probatur primò ex D. Thoma, qui i. p. qu.

A 48. art. 1. ad 2. tertio contra gentes cap. 9. & de malo qu. 1. art. 1. ad 4. hoc statuit discrimen inter malum simpliciter, & malum morale, quod primum per privationem, secundum per positivum constituitur. Unde hic qu. 72. art. 9. ad 1. sic ait: *Malum in quantum huiusmodi privatio est: & id est diversificatus specie secundum ea que privantur sicut & cetera privations. Sed peccatum non sortitur speciem ex parte privations vel aversionis, ut superdictum est, sed ex conversione ad obiectum. Et quod de malo art. 1. ad 12. Bonum & malum non sunt differentia nisi in moralibus, in quibus malum posse aliquid dicitur, secundum quod actus voluntatis de nominatur malus a voluntate.* Et qu. 2. art. 11. ad 13. *Peccatum (inquit) non est privatio pura, sicut tenebra, sed est aliquid positivum.* Quo nihil clarius & expressius in favorem nostrae conclusionis dici potest.

Confirminatur. Idem est constitutivum & distinctivum: Sed iuxta D. Thomam hie qu. 72. art. 1. peccata distinguntur specificè per ordinem ad objecta specie diversa, non vero ex privatione: Ergo differentia constitutiva peccati non est privatio, sed positivus ordo ad objectum.

Nec valet communis easatio Adversariorum, dicentium D. Thomam non loqui de malo morali, & de distinctione specifica peccatorum pro formaliter, sed duntaxat pro materiali malitiae. Nam D. Thomas inter malum simpliciter & malum morale statuit hoc discrimen, quod primum per privationem, secundum per positivum constituitur: Sed si loqueretur de malo pro materiali in quo fundatur, discrimen illud non subsisteret; quia cum malum simpliciter in bono fundetur, & necessario supponat entitatem aliquam a qua sustinetur, ut D. Thomas citatis locis docet, aliquid positivum pro materiali importat: Ergo &c.

Addo quod D. Thomas hic qu. 72. potissimum tractat de specificatione & distinctione peccatorum, ut sunt formaliter peccata & in genere moris; nam de actibus humanis in esse physicus considerat eis supra à qu. 8. usque ad 18. que est de bonitate & malitia moraliter actuum humanorum: Ergo non recte exponitur de specificatione solo physica & materiali. Unde hic art. 6. sic loquitur: *Dicendum quod in peccato invenitur duplex differentia, una materialis, & alia formalis. Materialis quidem attenditur secundum naturalem speciem actuum peccati; formalis autem secundum ordinem ad unum finem proprium, quod est objectum proprium.* Quod id clarius, ut confitit S. Doctorem, loqui omnino formaliter de peccato, & de ejus specificatione & distinctione, cum asserit eam defini ex ordine ad objectum? Et certe valde diminutus fuisset, si explicando principio, ex quibus sumuntur distinctio specifica peccatorum, ageret solum de distinctione illorum pro materiali, & non pro formaliter.

Secundò suadetur conclusio: Si peccatum, & malitia moralis formaliter esset pura privatio, bonum & malum morale privative & nos contrariè opponerentur: Sed hoc dici nequit: Ergo nec illud. Major patet: nam forma & privatio non contrarie, sed privative opponuntur. Minor vero probatur ex D. Thoma i. p. qu. 48. art. 1. ad 3. tertio contra gentes cap. 9. ad 2. & qu. 1. de malo art. 1. ad 4. ubi docet malum in moralibus opponi contrariè bono. Verba D.